

摘藻堂四庫全書薈要

集部

欽定四庫全書薈要

集部

御選歷代詩餘卷十六

七

詳校官編修臣汪鏞

欽定四庫全書薈要

御選歷代詩餘卷十六目錄

四十
七字

阮郎歸

南唐李煜

馮延巳

二首

司馬光

歐陽修

二首

晏幾道

五首



張先

蘇軾

二首

黃庭堅

四首

秦觀

五首

晁補之

三首

李之儀

毛滂

蘇庠

周紫芝
三首

謝逸
三首

周邦彥
二首

曹組

蔡伸

趙師俠
二首

趙長卿
三首

曾覲

侯寘 二首

趙彥端 二首

馬莊父

王炎

嚴仁

徐照

史達祖 二首

翁孟寅

洪璚

方千里

二首

黃昇

吳文英

五首

蔣捷

李演

張炎

翁元龍

趙君舉

王同祖

魏氏

詹正

王從叔

張埜

劉基

二首

吳子孝

二首

吳寬

張大烈

三首

湯顯祖

陳子龍

前調

又一體

端淑卿

畫堂春

又一體

秦觀

二首

趙師俠

趙長卿

二首

趙鼎

趙彥端

鄭域

吳子孝

二首

莫是龍

陸卿子

喜遷鶯

又一體

南唐李煜

和凝

晏幾道

夏竦

前調

又一體

薛昭蘊

三首

許棐

前調 又一體

韋莊 二首

周邦彥 二首

夏言

前調 又一體

晏殊 二首

前調 又一體

馮延巳 二首

晏殊 二首

前調 又一體

毛文錫

前調 又一體

劉基

吳子孝 三首

欽定四庫全書

御選歷代詩餘卷十六目錄

御選歷代詩餘卷十六目錄

欽定四庫全書薈要卷二萬六百九十四

集部

御選歷代詩餘卷十六

四十
七字

阮郎歸

用阮肇事名調一名醉桃源一名碧雲春一名鶴
冲天雙調四十七字以南唐李煜作為定體後人
平仄互異
者皆非

阮郎歸

南唐李煜

東風吹水日銜山春來長是閒落花狼藉酒闌珊笙歌
醉夢間春睡覺晚妝殘憑誰整翠鬟留連光景惜朱

顏黃昏獨倚闌

前調

馮延巳

南園春半蹋青時
風和聞馬嘶
青梅如豆
柳如絲
日長蝴蝶飛
花露重
草煙低
人家簾幙垂
鞦韆慵困
解羅衣
畫梁雙燕歸

前調

馮延巳

角聲吹斷隴梅枝
孤牕月影低
塞鴻無限
欲驚飛
城烏休夜啼
尋斷夢
掩香閨
行人去路迷
門前楊柳綠陰

齊何時聞馬嘶

前調

司馬光

漁舟容易入深山
仙家日日閒
綺牕紗幌映朱顏
相逢醉夢間
松露冷
海霞殷
匆匆整棹還
落花寂寂水潺潺
潺重尋此路難

前調

歐陽修

劉郎何日是來期
無心雲勝伊
行雲猶解傍山扉
郎行去不歸
強勻面
又芳菲
春深輕薄衣
桃花無語伴相

思陰陰月上時

前調

歐陽修

落花浮水樹臨池
年前心眼期見來
無事去還思而今
花又飛
淺螺黛淡
顰脂間妝取次
宜隔簾風雨閉門
時此情風月知

前調

晏幾道

粉痕間印玉尖纖
啼紅傍曉
匿舊寒新
暝尚相兼
梅疎
待雪添
春冉冉恨
慙慙章臺對
卷簾箇人鞭影弄涼

蟾樓前側帽簷

前調

晏幾道

來時紅日弄牕紗
春紅入睡霞
去時庭樹欲棲鴉
香屏掩月斜
收翠羽
整妝華
青驪信又差
玉笙猶戀碧桃花
今宵未憶家

前調

晏幾道

舊香殘粉似當初
人情恨不如
一春猶有數行書
秋來書更踈
衾鳳冷
枕鸞孤
愁腸待酒舒
夢魂縱有也成

虛那堪和夢無

前調

晏幾道

天邊金掌露成霜
雲隨鴈字長
綠盃紅袖趁重陽
人情似故鄉
蘭佩紫菊簪黃
殷勤理舊狂
欲將沈醉換悲涼
涼清歌莫斷腸

前調

晏幾道

晚粧長趁景陽鐘
雙蛾著意濃
舞腰浮動綠雲穠
櫻唇半點紅
憐美景惜芳容
沈思暗記中
春寒簾幙幾重

重楊花盡日風

前調

渭州作

張先

雙歌連袂近香猊
歌隨鏤板齊
分明珠索漱煙溪
凝雲定不飛
脣破點齒編犀
春鶯莫亂啼
陽關更在碧峰西
相看翠黛低

前調

蘇軾

綠槐高柳咽新蟬
薰風初入絃
碧紗牕下水沈煙
棋聲驚晝眠
微雨過小荷翻
榴花開欲然
玉盃纖手弄清

泉瓊珠碎又圓

前調

集句
梅花

蘇軾

暗香浮動月黃昏
堂前一樹春
東風何事入西鄰
兒家常閉門
雪肌冷玉容真
香腮粉未勻
折花欲寄隴頭人
江東日暮雲

前調

茶二首

黃庭堅

歌停檀板舞停鸞
高陽飲興閑
獸煙噴盡玉壺乾
香分小鳳團
雪浪淺露花圓
捧甌春筍寒絳紗
籠下躍金

鞍歸時人倚欄

前調

黃庭堅

黔中桃李可尋芳
摘茶人自忙
月團犀胯鬪圓方
研膏入焙香
青箬裹絳紗
囊品高
聞外江酒闌傳盃舞
紅裳都濡春味長

前調

黃庭堅

退紅衫子亂蜂兒
衣寬只為伊
為伊去得忒多時
教人直是疑
長睡晚理妝遲
愁多嬾畫眉
夜來算得有歸

期燈花則甚知

前調

黃庭堅

貧家春到也騷騷
瓊漿注小槽
老夫不出長蓬蒿
鄰牆開碧桃
木芍藥
品題高一枝
煩剪刀
傳盃猶似少年豪
醉紅侵雪毛

前調

秦觀

褪花新綠漸團圓
枝撲人風絮飛秋千
未拆水平堤落紅
成地衣
遊蝶困乳鶯啼
怨春春怎知
日長早被酒禁

持那堪更別離

前調

秦觀

宮腰裊裊翠鬟鬆
夜堂深處逢無端
銀燭隕秋風
靈犀得暗通
更有限恨無窮
星河沈曉空
隴頭流水各西東
佳期如夢中

前調

秦觀

瀟湘門外水平鋪
月寒征棹孤
紅妝飲罷少踟躕
有人偷向隅
揮玉筋
灑真珠
梨花春雨餘
人人盡道斷腸

初那堪腸也無

前調

秦觀

碧天如水月如睂城頭銀漏遲綠波風動畫船移嬌羞
初見時銀燭暗翠簾垂芳心兩自知楚臺魂斷曉雲
飛幽歡難再期

前調

秦觀

春風吹雨遶殘枝落花無可飛小池寒綠欲生漪雨晴
還日西簾半捲燕雙歸諱愁無奈睂翻身整頓著殘

棋沈吟應却遲

前調

晁補之

小樓獨上暮鐘時紅霞樓外飛煙中遠鳥一雙歸城門
燈火微橫短吹傍危梯冰輪湧海遲天涯幽恨有誰
知涼風時動衣

前調

泛濟州
環溪

晁補之

西城北渚舊追隨荒臺今是非白蘋無際綠蒲迷停舟
憶舊時雙鴨戲亂鷗飛人家煙雨西不成攜手折芳

菲蘭撓惆悵歸

前調

晁補之

一濠秋水淨連漪
紅妝照水嬉
攀條尋藕怯船移
浮萍濕繡衣
臨好景惜輕歸
夕陽洲渚迷
城門燈火簇輪蹄
沙鷗飛去時

前調

李之儀

朱脣玉羽下蓬萊
佳時近早梅
惜花情味久安排
枝頭開未開
魂欲斷恨難裁
香心休見猜
果如何遜是仙

才何妨入夢來

前調

毛滂

雨餘煙草弄春柔
芳郊翠欲流
暝風時轉柳花毬
晴光爛不收
紅盡處綠新稠
穠華只暫留
却因留下等閒愁
令人雙鬢秋

前調

蘇庠

西園風暖落花時
綠陰鶯亂啼
倚闌無語惜芳菲
絮飛蝴蝶飛
緣底事減腰圍
遣愁愁著眉
波連春渚暮天

垂燕歸人未歸

前調

周紫芝

酴醿花謝日遲遲楊花無數飛章臺側畔儘風吹飄零
無定期煙漠漠草萋萋江南春盡時可憐蹤跡尚東
西故園何日歸

前調

周紫芝

月榭疎影照嬋娟間臨小玉盤棗花金釧出纖纖棋聲
敲夜寒飛電冷水精圓夜深人未眠笑催爐獸喚衾

鴛鴦教銀漏殘

前調

西湖摘
楊梅

周紫芝

西湖山水潺潺滿山風雨寒枝頭紅日曉
爛斑越梅催染丹連翠葉擁金盤玉池生
乳泉此生三度試甘酸欲歸歸尚難

前調

謝逸

花枝破蕾柳梢青春寒拂面輕一眉新月影
三星銅荷燭燼零低鳳扇裊霓旌珊珊環珮
聲坐間誰識許飛

金
瓊對郎仙骨清

前調

謝逸

風飄萬點落花飛
殘紅枝上稀
平蕪葉葉淡煙迷
那堪春鳥啼
風細細日遲遲
輕紗疊雪衣
多情多病嬾追隨
玉人應恨伊

前調

雪

謝逸

晨光曉色埽簷晶
寒多蝶夢驚
亂飄鴛瓦細無聲
悠揚柳絮輕
書幌冷竹牕明
柴門只獨扃
一尊濁酒為誰

傾梅花相對清

前調

周邦彥

冬衣初染遠山青
雙絲雲鴈綾衣寒
袖濕欲成冰
都緣珠淚零
情黯黯悶騰騰
身如秋後蠅
若教隨馬逐郎行
不辭多少程

前調

周邦彥

菖蒲葉老水平沙
臨流蘇小家
畫欄曲徑
宛秋蛇
金英垂露華
燒蜜炬引蓮娃
酒香醺臉霞
再來重約日西

斜倚門聽暮鴉

前調

曹組

簷頭風珮響
丁東簾疎燭影紅
秋千人散月溶溶
樓臺花氣中
春酒醒夜寒濃
繡衾誰與同
只愁夢短不相逢
覺來羅帳空

前調

蔡伸

煙籠寒水暝禽栖
滿庭紅葉飛
蘭堂寂寂畫簾垂
霜濃更漏遲
鴛被冷
麝香微
歎單枕時
西牕看盡月痕

移此情君怎知

前調

桐江舟中

趙師俠

微雲埽盡碧虛寬
月華光影寒山河表裏鑑中看
沈沈清夜闌
風細細露漙漙
神遊八極間
九霄回首望塵寰
悠悠醉夢還

前調

趙師俠

杜鵑花發映山紅
韶光覺正濃
水流紅紫各西東
綠肥春已空
閒戲蝶嬾遊蜂
破除花影重
問春何事不從

容憂愁風雨中

前調

咏春

趙長卿

和風暖日小層樓
人間春事幽
杏花深處一聲鳩
花飛水自流
尋舊夢
續揚州
眉山相對愁憶曾
和淚送行舟
清江古渡頭

前調

送別
詠鷺

趙長卿

東城沙軟馬蹄輕
清和雨乍晴
柳陰曲徑泣流鶯
淒涼不忍聽
休苦怨
莫悲鳴
何須兩淚傾
但將巧語寫心

誠東君肯薄情

前調

客中
見梅

趙長卿

年年為客徧天涯
夢遲歸路賒
無端星月浸牕紗
一枝寒影斜
腸未斷
鬢先華
新來瘦轉加
角聲吹徹小梅花
夜長人憶家

前調

侍宴池上
賦飛燕

曾覲

柳陰庭館占風光
呢喃清晝長
碧波新漲小池塘
雙雙蹴水忙
萍散漫
絮飄颻
輕盈體態狂
為憐流去落紅

香銜將歸畫梁

前調

和邢公珣

侯寘

莫欺騎省鬚邊華
曾眠蘇小家
綵絲縈腕翦輕霞
菖蒲酒更嘉
人別後
歎飛花
雲山和夢遮
吳牋小字寫流沙
幾行秋鴈斜

前調

侯寘

薰風吹盡不多雲
曉天如水清
哦松庭院忽聞笙
簾疎香篆明
蘭玉盛
鳳和鳴
家聲留漢庭
戎鞍長傍九重

城年年雙鬢青

前調

趙彥端

歲寒堂下兩株梅商量先後開春前日遶一千回花來
春又來冰可斷玉堪裁寒空無暖埃為君翻動臘前
醅酒醒香滿懷

前調

餘千
留別

趙彥端

三年何許競芳辰君家千樹春如今欲去復逡巡好花
留住人紅蕊亂綠陰勻綵雲新又新只因小闕記情

親動君梁上塵

前調

西湖

馬莊父

清明寒食不多時，香紅漸稀，番騰妝閣，鬧蘇堤，留春春怎知。
花褪雨，絮沾泥。淩波寸寸移，三三兩兩，呌船兒，歸春也歸。

前調

王炎

落花時節近清明，南園芳草青。東風料峭，雨難晴，那堪
中宿醒。回首處，自銷凝。誰知太瘦生，倚闌無語，不禁

情杜鵑啼數聲

前調

嚴仁

拍堤春水蘸垂楊
水流花片香
弄花嚙柳小鴛鴦
一雙隨一雙
簾半捲露新妝
春衫是柳黃
倚闌看處背斜陽
風流暗斷腸

前調

徐照

綠楊庭戶靜
沈沈楊花吹滿襟
晚來閒向水邊尋
驚飛雙浴禽
分別後重登臨
暮寒天氣陰
妾心移得在君

心方知人恨深

前調

史達祖

龍香吹袖向藤鞭帽簷衝柳煙一春幾度畫橋邊東風
聽管絃花活計酒因緣從人嘲少年真須吟就綠楊
篇灣頭寄小憐

前調

史達祖

舊時明月舊時身舊時梅萼新舊時月底似梅人梅春
人不春香入夢粉成塵情多多斷魂芙蓉孔雀夜溫

溫愁痕即淚痕

前調

翁孟寅

日高樓外柳花明
單衣怯露零
小橋燈影落殘星
寒煙蘸水萍
歌袖窄
舞鬟輕
梨花夢滿城
落紅啼鳥兩無情
春愁添曉醒

前調

邵武試燈夕

洪璚

東風吹破藻池水
清光開五雲
綠情紅意兩逢迎
扶春來遠林
花豔豔
玉英英
羅衣金縷明
鬧蛾兒簇小蜻

蛭相呼看試燈

前調

方千里

良宵相對一燈青
相思寫砑綾
去時情淚滴紅冰
西風吹涕零
愁宛轉意飛騰
晴牕穿紙蠅
夢知關塞不堪行
憶君猶問程

前調

方千里

鴛鴦濃睡碧溪沙
荷花深處家
快風收電掣金蛇
深波流素華
吳國豔楚宮娃
紅潮連翠霞
坐來忽忽燭光

斜城頭聞亂鴉

前調

黃昇

粉香吹暖透單衣
金泥雙鳳飛
閒來花下立
多時春風
酒醒遲
桃葉曲柳枝
詞芳心空自知
湘臯月冷珮聲微
鴈歸人不歸

前調

贈盧長笛

吳文英

沙河塘上舊遊嬉
盧郎年少時
一聲長笛月中吹
和雲和鴈飛
驚物換
歎星移
相看兩鬢絲
斷腸吳苑草萋萋

萋倚樓人未歸

前調

芙蓉

吳文英

青春花柳不同時，淒涼生較遲。
豔妝臨水最相宜，風來吹繡漪。
鷺舊事問長眉，月明仙夢回。
凭闌人但覺秋肥，花愁人不知。

前調

會飲豐樂樓

吳文英

翠陰濃合曉鶯堤，春如日墜西。
畫圖新展遠山齊，花深十二梯。
風絮晚醉魂迷，隔城聞馬嘶。
落紅微沁繡鴛鴦。

泥秋千教放低

前調

荷塘小隱
賦燭影

吳文英

金丸一樹帶霜華銀臺搖豔霞燭陰樹影兩交加秋紗
機上花飛醉筆駐吟車香浮小隱家明朝客夢付啼
鴉歌闌月未斜

前調

元日

吳文英

五更樾馬靜無聲鄰雞猶怕驚日華平曉弄春明暮寒
愁翳生新歲夢去年情殘宵半酒醒春風無定落梅

輕斷鴻長短亭

前調

蔣捷

雪飛燈背鴈聲低寒生紅被池小屏風畔立多時間看
番馬兒新搵淚舊題詩一般羅帶垂瓊簫夜夜挾愁
吹梅花知不知

前調

題小扇

李演

雙鴛初放步雲輕香簾蒸午晴杏鎔暗淚結紅冰留春
蝴蝶情寒薄薄日陰陰錦鳩花底鳴春懷一似草無

憑東風吹又生

前調

有懷
北遊

張炎

鈿車驕馬錦相連
香塵逐管絃
瞥然飛過水秋千
清明寒食天
花貼貼柳懸懸
鶯房幾醉眠
醉中不信有啼鵲
江南二十年

前調

翁元龍

千絲風雨萬絲晴
年年長短亭
嫩黃看到綠成陰
春由他送迎
鶯思重燕愁輕
如人離別情
遶湖煙冷罩波

明畫船移玉笙

前調

趙君舉

馬蹄蹋月響空山
梅生煙壑寒水仙去後
淚痕乾天風吹珮蘭
紉香久怕花殘與君聊據鞍
一枝欲寄北人看
如今行路難

前調

王同祖

一簾疎雨細於塵
春寒愁煞人桐花庭院近
清明新煙浮舊城
尋蝶夢怯鶯聲柳絲如妾情
丙丁帖子畫教

成妝臺求晚晴

前調

宋媛

魏氏

夕陽樓外落花飛
晴空碧四垂
去帆回首已天涯
孤煙捲翠微
樓上客鬢成絲
歸期未有期
斷魂不忍下樓梯
桐陰月影移

前調

詹正

斜河一道界相思
好秋都上眉
鸞牋象管寫心啼
搦愁題做詩
添別恨
卜歡期
燈花紅幾時
看看月上小牕

兒夜香今夜遲

前調

王從叔

風中柳絮水中萍聚散兩無情斜陽路上短長亭今朝
第幾程何限事可憐生能消幾度春別時言語總傷
心何曾一字真

前調

張埜

青山重疊水縈紆扁舟隔岸呼依稀綠暗輞川圖又疑
陶令居紅樹晚白雲孤乾坤別一壺草堂瀟灑草窓

虛箇中容我無

前調

劉基

曉寒楊柳綠如濡
園林新雨餘
紫苔成暈上階除
日高庭院虛
官况嬾
世情疎
斷腸芳歲徂
暮雲不見北飛魚
路遙誰寄書

前調

劉基

寥寥庭館暮寒時
四簷鳴雨垂
博山沈水吐遊絲
玉釭花燼微
蟾影淺
漏聲遲
愁多成夢稀
客行雖好不如

歸有懷當語誰

前調

曉霧

吳子孝

一江寒霧碧籠沙
冥迷十萬家
沙頭風急颭蘆花
城頭噪曙鴉
簾半捲
鼓頻撾
日光生海涯
長空晴豁水天賒
青山五色霞

前調

吳子孝

池塘風靜玉波閒
鶯啼花又殘
竹梢經雨葉團團
翠光流素闌
開繡幙
對家山
雲來濕鬢髮
樹枝橫碧擁巒

畹分明圖畫問

前調

題倦繡
士女圖

吳寬

日高碧樹午陰圓
繡床人未眠
迴文錦字絲絲纏
停鍼還悵然
飛絮底落花邊
青春將暮天
玉人一去不知還
難將幽恨傳

前調

前題
步韻

張大烈

花陰正午日光圓
手慵神欲眠
鴛鴦繡就翅難纏
尋思獨惘然
桃障底柳絲邊
豔陽惹恨天
錦文寄去信無

還全憑午夢傳

前調

春歸

張大烈

紅英亂點別風枝
綠楊黃鳥飛鴛鴦
戲水水連漪
倚樓日墜西
凝眼望憶郎歸遠
山鎖黛眉江濱幾片暮帆
移迷煙遶浦遲

前調

立夏

張大烈

綠陰鋪野換新光
薰風初晝長
小荷貼水點橫塘
蝶衣曬粉忙
茶鼎熟酒卮揚
醉來詩興狂
燕雛似惜落花

香雙銜歸畫梁

前調

湯顯祖

不經人事意相關
牡丹亭夢殘
斷腸春色在
眉彎
倩誰臨遠山
排恨疊怯衣單
花枝紅淚彈
蜀妝晴雨畫來難
高唐雲影間

前調

題畫

陳子龍

朱闌清影下簾時
泠泠修竹低
滿園空翠拂人衣
流鶯無限啼
蓮葉小
荇花齊
雨餘雙燕歸
紅泉一帶過橋

西香消午夢微

前調

又一體

明媛

端淑卿

園林春到清明節
花柳愁攀折
人生何事輕離別
水遠山重疊
杜宇啼殘更月銀缸照明滅
莊周有夢驚飛蝶
關心猶未說

畫堂春

又一體 雙調

四十七字

畫堂春

秦觀

落紅鋪徑水平池弄晴小雨霏霏杏園憔悴杜鵑啼無
奈春歸柳外畫樓獨上凭闌手撚花枝放花無語對
斜暉此恨誰知

前調

秦觀

東風吹柳日初長雨餘芳草斜陽杏花零亂燕泥香睡
損紅妝寶篆煙銷龍鳳畫屏雲鎖瀟湘夜寒微透薄
羅裳無限思量

前調

梅

趙師俠

西真仙子宴瑤池素裳瓊豔水肌瑞籠香霧撲銖衣鳳
翥鸞飛玉骨解凌風露鉛華不浣凝脂戍樓羌管正
孤吹月淡煙低

前調

長新亭

趙長卿

小亭煙柳水溶溶野花白白紅紅惱人池上晚來風吹
損春容又是清明天氣當年小院相逢凭闌幽思幾
千重殘杏香中

前調

賞海棠

趙長卿

夜來暖趁海棠時
臉邊勻透
顰脂亂紅嬌影困垂垂
睡損楊妃
多少玉溫香潤
朱脣綠鬢相偎
晚風何苦過臺西
斷送春歸

前調

春日

趙鼎

空籠簾影隔垂楊
夢回芳草池塘
杏花枝上蝶雙雙
春晝初長
強理雲鬟
臨照暗彈粉淚
沾裳自憐容豔惜
流光無限思量

前調

趙彥端

滿城風雨近重陽
夾衫清潤生香好
辭廡盡楚天長喚
得花黃
客勝不知門陋
酒新如趁春狂
故人相見莫
相忘一語千觴

前調

鄭域

東風吹雨破花悭
客羶曉夢生寒
有人斜倚小屏山
麝損眉彎
合是一釵雙燕
却成兩鏡孤鸞
暮雲修竹淚
留殘翠袖凝斑

前調

思遠道人
院賞花

吳子孝

春風寒入蹋青天，芒屨碧草蒼煙秋。
千風颭彩旗翩芳樹爭妍，
禪榻遠離塵境幾人能醉花前。
歌聲鳥語兩清圓，再進金船。

前調

衡山在座
年八十九

吳子孝

高年座上有仙翁，文章豪氣如虹。
分明南極畫圖中，笑語融融。
賓客風流儒雅兒孫孝，謹雍容。
桐陰滿院綠簾風，檀板金鍾。

前調

莫是龍

浹旬風雨卧江城不勝蕭瑟離情夢回羅箔報春生昨夜寒輕金鼎細煎香雪玉甌新泛蘭英欲將幽事與誰評著意芳卿

前調

明媛

陸卿子

晴空煙裊柳絲微亂紅風綻猶飛杏花零落燕空歸門外鴉啼慵病不禁寬帶諱愁無那尖眉香消斜倚畫屏時此恨誰知

喜遷鶯

又一體雙調四十七字或加令字一名燕歸梁梁
或作來一名早梅芳近一名鶴冲天一名春光好

喜遷鶯

南唐李煜

曉月墜宿煙微無語枕頻敲夢回芳草思依依天遠鴈
聲稀啼鶯散餘花亂寂寞畫堂深院片紅休掃儘從
伊留待舞人歸

前調

和凝

曉月墜宿雲披銀燭錦屏帷建章鐘動玉繩低宮漏出
花遲春態淺來雙燕紅日漸長一線嚴妝欲罷轉黃

鸝飛上萬年枝

前調

晏幾道

蓮葉雨蓼花風秋恨幾枝紅
遠煙收盡水溶溶飛鴈碧
雲中衷腸事魚箋字情緒
年年相似凭高雙袖曉寒
濃人在月橋東

前調

夏竦

霞散綺月垂鉤簾捲未央樓
夜涼銀漢截天流宮闕鎖
清秋瑤臺樹金莖露鳳髓香
盤煙霧三千珠翠擁宸

遊水殿按涼州

前調

又一體

薛昭蘊

殘蟾落曉鐘鳴羽化覺身輕乍無春睡有餘醒杏苑雪
初晴紫陌長襟袖冷不是人間風景迴看塵土是前
生休羨谷中鶯

前調

薛昭蘊

金門曉玉京春駿馬驟輕塵樺煙深處白衫新認得化
龍身九陌喧千戶啓滿袖桂香風細杏園歡宴曲江

濱自此占芳辰

前調

薛昭蘊

清明節雨晴天得意正當年馬騎泥軟錦連錢香袖半
籠鞭花色融人競賞盡是繡鞍朱鞅日斜無計更留
連歸路草和煙

前調

許棐

鳩雨細燕風斜春悄謝娘家一重簾外即天涯何必暮
雲遮釧金寒釵玉冷薄醉欲成還醒一春梳洗不簪

花孤負幾韶華

前調

又一體

韋莊

人洶洶鼓鼙鼙襟袖五更風大羅天上月朦朧騎馬上
虛空香滿衣雲滿路鸞鳳遶身飛舞霓旌絳節一羣
羣引見玉華君

前調

韋莊

街鼓動禁城開天上探人迴鳳銜金榜出門來平地一
聲雷鶯已遷龍已化一夜滿城車馬家家樓上簇神

仙爭看鶴沖天

前調

周邦彥

梅雨霽暑風和高柳亂蟬多小園臺榭遠池波魚戲動
新荷薄紗幮輕羽扇枕冷簟涼深院此時情緒此時
天無事小神仙

前調

周邦彥

白角簾碧紗幮梅雨乍晴初謝家池畔正清虛香散嫩
芙蕖日流金風解愠一弄素琴歌韻慢搖紈扇訴花

箋吟待晚涼天

前調

初夏

夏言

臨水閣倚風軒細雨熟梅天一池新水碧荷圓榴花紅
欲燃薄羅裳輕紈扇睡起綠陰滿院曲闌斜轉正閒
凭何處玉簫聲

前調

又一體

晏殊

風轉蕙露催蓮鶯語尚餘鶼鶼堯堯隨月欲團圓真馭降
荷蘭寒油幕調清樂四海一家同樂千官心在御爐

香聖壽祝天長

前調

晏殊

歌歛黛舞縈風遲日象筵中分行珠翠簇繁紅雲鬢
瓏璵金爐煖龍香遠共祝堯齡萬萬曲終休解畫羅
衣留伴綵雲飛

前調

又一體

馮延巳

宿鶯啼鄉夢斷春樹曉朦朧殘燈和燼閉朱櫳人語隔
屏風香已寒燈已絕忽憶去年離別石城花雨倚江

樓波上木蘭舟

前調

馮延巳

霧濛濛風淅淅楊柳帶疎煙飄飄輕絮滿南園墻下草
芊絲燕初飛鶯已老拂面春風長好相逢攜酒且高
歌人生得幾何

前調

晏殊

燭飄花香掩燼中夜酒初醒畫樓殘照兩三聲窗外月
朧明曉簾垂鶻鵲去好夢不知何處南園春色已歸

來庭樹有寒梅

前調

晏殊

曙河低斜月淡簾外早涼天玉樓清唱倚朱絃餘韻入
疎煙 臉霞輕眉翠重欲舞釵鈿搖動人人如意祝爐
香萬壽百千長

前調

又一體

毛文錫

芳春景暖晴煙喬木見鶯遷傳枝偎葉語關關飛過綺
叢間 錦翼鮮金毳軟百轉千嬌相喚碧紗牕曉怕聞

聲驚破鴛鴦暖

前調

又一體
殘夜

劉基

畫角斷篆香清斜月淡疎櫺露寒霜冷鵲頻驚歸夢不
曾成湖上數聲沙鳥河漢漸低木杪起看北斗待天
明雲白日華生

前調

吳子孝

堤柳碧曉川長簫鼓蕩春光畫船十丈勝蘭堂朱幕靜
焚香虎阜頻遊休厭攜客徐登紺殿雲邊好鳥喚斜

陽遶座遠山蒼

前調

吳子孝

山欲暝暮生寒遊客盡知還高歌裊裊隔花壇猶自戀
餘歡惆悵真嫌不見蔓草野花爭豔誰家臨水倚闌
干笑我愛東山

前調

吳子孝

春雨霽夢雲殘攜醉上春山山花應笑客長閒花好恰
春闌山下溪流曲曲隨意草痕新綠清歌相勸酒須

乾山色遶朱欄

御選歷代詩餘卷十六

欽定四庫全書薈要

御選歷代詩餘卷十七目錄

起四十七字
至四十八字

珠簾捲

歐陽修

望仙樓

晏幾道

一落索

又一體

賀鑄

呂渭老

相思兒令

晏殊

憶少年

又一體

曹組

萬俟雅言

孫道絢

王連環

又一體

張先

向子諲

王世懋

聖無憂

歐陽修

賀聖朝

無名氏

前調

又一體

黃庭堅

前調 又一體

杜安世

前調 又一體

杜安世

甘草子 又一體

寇準

柳永 二首

楊无咎

朝中措

歐陽修

二首

周紫芝

三首

葛郯

李祁

向子諲

蔡伸

二首

趙師俠

五首

趙長卿

三首

張掄

六首

朱敦儒

曾覲

六首

楊无咎

侯寘

七首

辛棄疾

五首

范成大
三首

陳三聘
二首

黃公度
二首

程垓
三首

陸游
三首

趙彥端

管鑑

閻丘次果

馬壯父

王炎

二首

盧炳

沈端節

吳文英

三首

張炎

完顏璫

高士談

段成已

元好問

二首

張雨

吳子孝

四首

前調

又一體

趙長卿

韓澆

七首

吳洪

二首

秋蕊香

晏殊

二首

晏幾道

二首

張耒

周邦彥

方千里

楊澤民

趙希彭

吳文英

二首

陳允平

黃鑄

王從叔

御選歷代詩餘卷十七目錄

欽定四庫全書薈要卷二萬六百九十五

集部

御選歷代詩餘卷十七

起四十七字
至四十八字

珠簾捲

以歐陽修詞起句為調名本雙調四十七字或去起句雲字今依六一詞正之

珠簾捲

歐陽修

珠簾捲暮雲愁垂煙暗鎖青樓煙雨濛濛如畫輕風吹
旋收香斷錦屏新別人間玉簫初秋多少舊歡新恨
書杳杳夢悠悠

望仙樓

一名胡搗練雙
調四十七字

望仙樓

晏幾道

小春花信日邊來
未上江梅先拆
今歲東君消息還自
南枝得
素衣染盡天香玉
酒添成國色一自故溪疎
隔腸斷長相憶

一落索

又一體雙調
四十七字

一落索

賀鑄

初見碧紗牕下繡寸波頻溜錯將黃暈壓檀花翠袖掩
纖纖手金縷一雙紅豆情通色授不應舞愛學垂楊
甚長為春風瘦

前調

呂渭老

蟬帶殘聲移別樹晚涼房戶秋風有意染黃花下幾點
淒涼雨渺渺雙鴻飛去亂雲深處一山紅葉為誰愁
供不盡相思句

相思兒令

雙調四十七字
與相思引無涉

相思兒令

晏殊

昨日探春消息湖上綠波平無奈遶堤芳草還向舊痕
生有酒且醉瑤觥更何妨檀板新聲誰教楊柳千絲
就中牽繫人情

憶少年

又一體雙調四十七字與十二時之
別名相辨者在後段之長短平仄也

憶少年

曹組

年時酒伴年時去處年時春色清明又近也却天涯為
客念過眼光陰難再得想前歡盡成陳迹登臨恨無
語把闌干暗拍

前調

隴首山

万俟雅言

隴雲溶曳隴山峻秀隴泉鳴咽行行暫駐馬已不勝愁
絕上隴首凝眸天四闊更一聲寒鴈淒切征書待寄
遠有知心明月

前調

送葛氏
姪女

宋媛

孫道絢

雨晴雲斂煙花淡
蕩遙山凝碧
驅車問征路
賞春風南陌
正雨後梨花幽豔
白悔匆匆過了
寒食歸家漸春暮
探酴醾消息

玉連環

又一體雙調四十七字前四十五字者即一落索之一體此比一落索前段多二字平仄亦異

玉連環

張先

南園已恨歸來晚
芳菲滿眼春工偏
上好花多疑不向

空枝暖 惜恐紅雲易散叢叢看徧當時猶有蕊如梅
向幾日東風綻

前調

向子諲

春風斷送前山雨行雲歸去朝來須信本無心回首了
無尋處 欲問箇中去路阿誰能語澄江霽月却深知
把此意都分付

前調

王世懋

青青無數金堤柳弄絲拋絮夕陽疎影那人家前歲紫

騶曾駐 惆悵白花飛處要留難住任他流水作浮萍
花未去春先去

聖無憂

一名烏夜啼四十七字觀李煜烏夜啼詞與歐陽
修聖無憂詞畧無分別實一調而異名另立一調
非者

聖無憂

歐陽修

世路風波險十年一別須臾人生聚散長如此相見且
歡娛 好酒能消光景春風不染髭鬚為公一醉花前

倒紅袖莫來扶

賀聖朝

本唐教坊樂名後以
名詞雙調四十七字

賀聖朝

無名氏

白露點曉星明滅
秋風落葉故址頽垣
冷煙衰草前朝
宮闕
長安道上行客
依舊利深名切
改變容顏消磨
今古隴頭殘月

前調

又一體

黃庭堅

脫霜披茜初登第，名高得意櫻桃榮。宴玉池，遊領羣仙行綴。佳人何事輕相戲，道得之何濟。君家聲譽古無雙，且均平為二。

前調

又一體

杜安世

牡丹盛拆春將暮，羣芳羞妒幾時流。落在人間半間仙露。馨香豔冶，吟看醉賞，歎誰能留住。莫辭持燭夜深，深怨等閒風雨。

前調

又一體

杜安世

東君造物無凝滯芳容相替杏花桃萼一時開就中明
媚綠叢金朶枝長葉細稱花王相待萬般堪愛暫時
見了斷腸無計

甘草子

又一體雙調
四十七字

甘草子

寇準

春早柳絲無力低拂青門道暖日籠啼鳥初拆桃花小
遙望碧天淨如埽曳一縷輕寒縹緲堪惜流年對芳

草任玉壺傾倒

前調

柳永

秋暮亂灑衰荷顆顆真珠雨雨過月華生冷徹鴛鴦浦
池上凭闌愁無侶奈此箇單棲情緒却傍金籠共鸚鵡
鵲念粉郎言語

前調

柳永

秋盡葉翦紅綃砌菊遺金粉鴈字一行來還有邊庭信
飄散落花清風緊動翠幕曉寒猶嫩中酒殘妝慵整

頓惹兩眉離恨

前調

楊无咎

秋暮永夜西樓冷月明牕戶夢破櫓聲中憶在松江路
歌枕試尋曾遊處記歷歷風光堪數誰與浮家五湖
去儘醉眠秋雨

朝中措

此調始於歐陽修平山堂一詞後因李祁詞有初
見照江梅之句又一名照江梅雙調四十八字

朝中措

歐陽修

平山闌檻倚晴空山色有無中
手種堂前楊柳別來幾度春風
文章太守揮毫萬字一飲千鍾
行樂直須年少尊前看取衰翁

前調

歐陽修

暮山環翠繞層闌時節歲將殘
遠鴈不傳家信空能嘹唳雲間
客程無盡歸心易感誰與忘年
早晚臨流凝望幾帆催却風竿

前調

二妙堂落成招廬山

周紫芝

大江流處是廬峯蒼玉照晴空何事淺鬟濃黛却成煙
雨溟濛如今縱有雲濤萬頃翠巘千重傳語雲間五
老一尊須要君同

前調

周紫芝

雨餘庭院冷蕭蕭簾幕度微颺鳥語喚回殘夢春寒勒
住花梢無慘睡起新愁黯黯歸路迢迢又是夕陽時
候一爐沈水煙消

前調

周紫芝

黃昏樓閣亂棲鴉
天末淡餘霞
風裏一池楊柳月邊滿
樹梨花
陽臺路遠魚沈尺素
人在天涯想得小牕遙
夜哀絃撥斷琵琶

前調

送蔡定夫

葛 郊

雙鞬錦領出山西
戎幕護旌旗
橫槩春風百咏臨淮夜
月千卮
風流尊俎瑤花破
豔紅藥橫枝
賞盡竹西歌
吹珠簾十里香迷

前調

李 祁

郎官湖上探春迴
初見照江梅
過盡竹溪流
水無人知道
花開佳人何處
江南夢遠殊未歸
來喚取小叢教
看隔江煙雨樓臺

前調

王景源
生日

向子諲

滿城臘雪淨無埃
觸處是花開
天上瓊林珠樹誰知夜
半移來
黃堂薦壽請君著意和氣潛回
化作一江春酒
都將注入尊罍

前調

蔡伸

章臺楊柳月依依飛絮送春歸院宇日長人靜園林綠
暗紅稀庭花謝了行雲散後物是人非惟有一襟清
淚凭闌灑徧殘枝

前調

蔡伸

雨餘清鏡湛秋容屏展九華峰萬里閒雲散盡半規涼
月當空樓高夜永憑闌笑語此際誰同端有妙人攜
手翛然歸路凌風

前調

中秋夢
湖舟中

趙師俠

西風著意送歸船家近總欣然去日梅開爛漫歸時秋
滿山川京華倦客難堪羈思歷盡愁邊寄語姮娥休
笑月圓人亦團圓

前調

山礬

趙師俠

亂山春過雪成堆七里遞香回蕊簇玲瓏金粟花裝碎
屑玫瑰蘭衰梅謝桃粗李俗誰與追隨清絕殿春仙
侶清風吹破荼蘼

前調

月季

趙師俠

開隨律琯度芳辰
鮮豔見天真
不比浮花浪蕊
天教月
月常新
薔薇顏色玫瑰態
度寶相精神
休數歲時月
季仙家欄檻長春

前調

贈王
宜之

趙師俠

眉間黃色喜何如
如花縣拜恩
初五品榮頒命服
十行祇
奉天書
萱堂繡閣均封大邑
盛事同居
此日銀章朱
紱行看玉帶金魚

前調

蒲中共
樂臺

趙師俠

斜陽留照有餘紅
煙靄淡冥濛
麥隴青搖一望前山翠
失雙峯
高臺徙倚松飄逸
韻梅減冰容
俯視塵寰如
掌翩然我欲乘風

前調

趙長卿

亂山疊疊水泠泠
南北短長亭
客路如天杳杳歸心特
地寧寧
春光荏苒花朝冷
落酒伴飄零
鬢影黃邊漸
綠燒痕黑處重青

前調

譙曾端行
南山樓

趙長卿

柳林暮暮暮煙斜秋水淺平沙樓外碧天無際紫山斷
處橫霞 星稀漸覺東檐隱月涼到牕紗多少傷懷往
事隔溪燈火人家

前調

趙長卿

征帆一縷轉彎斜驚鷺起汀沙點點隨風逆上滿江飛
破殘霞 樓前光景樓心紅粉蟬翼輕紗却憶錢塘江
上曲闌橫檻他家

前調

張掄

吳松江影漾清輝山遠翠痕微楊柳風輕日永桃花浪
暖魚肥東來西往隨情任性本自無機何事沙邊鷗
鷺一聲欸乃驚飛

前調

張掄

沙明波淨小汀洲楓落洞庭秋紅蓼白蘋深處晚風吹
轉船頭鱸魚釣得銀絲旋鱠白酒新篘一笑月寒煙
暝人間萬事都休

前調

張掄

鳴榔驚起鷺鷥飛山遠水瀾瀾米賤茆柴酒美霜清螃
蟹螯肥人生所貴逍遙快意此外皆非却笑東山太
傅幾曾夢見蓑衣

前調

張掄

紅塵光景事如何擾擾利名多若問儂家活計扁舟小
笠輕蓑一尊美酒一輪皓月一弄山歌險甚掀天白
浪未如人世風波

前調

雪景

張掄

蕭蕭蘆葉暮寒生雪壓凍雲平密灑一篷煙火鷺鴻飛
起沙汀收綸罷釣空江有浪短櫂無聲便是天然圖
畫何須妙手丹青

前調

張掄

燈花挑盡夜將闌斜掩小屏山一點涼蟾窺幔釧敲玉
臂生寒起來無緒爐熏燼冷桐葉聲乾都把沈思幽
恨明朝分付眉端

前調

朱敦儒

當年挾彈五陵間行處萬人看雪獵星飛羽箭春遊花
簇雕鞍飄零到此天涯倦客海上蒼顏多謝江南蘇
小樽前怪我青衫

前調

趙知閤
生日

曾覲

畫堂簾捲獸香濃花上雪玲瓏平地十洲三島蟠桃已
試春紅清時舊德仙姿難老主眷方隆爛醉笙歌叢
裏年年先占春風

前調

曾覲

金沙架上日璁瓏
濃綠襯輕紅
花下兩行紅袖
直疑春在壺中
如今尚覺惜花愛酒
依舊情濃
無限少年心緒
從教醉倒東風

前調

曾覲

休論社燕與秋鴻
時節太匆匆
海上一番微雨
朱門濃綠陰中
主人情厚
金杯滿泛
且共從容
莫問鶯花俱老
今朝猶是春風

前調

曾覲

西湖南北舊遊空誰料一尊同回首四年間事渾如飛絮濛濛
林花謝了明年春到依舊芳容惟有朱顏綠鬢暗隨流水常東

前調

贈南劍
瞿守

曾覲

雙溪樓上凭闌時潋灩泛金卮醉倒闌花深處歌聲遏
住雲飛風流太守鸞臺家世玉鑑丰姿行奉紫泥褒
詔要看擊浪天池

前調

維揚
感懷

曾覲

雕車南陌碾香塵一夢尚如新回首舊遊何在柳煙花
霧迷春如今霜鬢愁停短棹嬾傍清尊二十四橋風
月尋思只有消魂

前調

茶詞

楊无咎

杯盤狼藉燭參差欲去未容辭春雪看飛金碾香雲旋
湧花甃雍容四座矜誇一品重聽新詞歸路清風兩
腋不妨輕撚銀鬚

前調

雙頭芍藥

侯寘

翻階紅藥競芬芳著意巧成雙須識揚州國豔舊時曾在昭陽
盈盈背立同心對綰聯芳飛香牢貯深沈金屋任教蝶困蜂忙

前調

建康大雪

侯寘

漏雲初見六花開驚巧妒江梅飄灑元戎小隊玉妝旌
旆歸來恩同化手春回隴畝懽懽倒尊罍記取明朝登
覽綠漪惟有秦淮

前調

謝郭道深惠菊有二小鬟

侯寘

露英雲萼一般清
揉雪更雕瓊
預喜重陽登覽
大家描帽浮觥
分香減翠
殷勤遠寄珍重
多情不似綺牕雙
豔向人解語傾城

前調

侯寘

依微春綠徧江干
煙水小屏寒
惆悵鴈行南北
新詞不忍拈看
從今寄取臨風
把酒役夢忘餐
飛絮落花時
侯扁舟也到孤山

前調

侯寘

風簾交翠篆香飄却暑捲輕綃最好佳辰相近壽觴對
飲連宵 仙翁未老雲中跨鳳臺上吹簫看取他年榮
事魚軒入侍塗椒

前調

元夕上
劉共甫

侯寘

年來玉帳罷兵籌燈市小遲留花外香隨金勒酒邊人
倚紅樓 沙堤此去傳柑侍宴天上風流還記月華小
隊春風十里潭州

前調

為雲
菴壽

侯寘

年年重午近佳辰符艾一番新滿酌九霞奇醞壽君兩
鬚長春 閨中秀美何如賦得林下精神早辦荆釵布
袖共為雲水閒人

前調

醉歸祐
之第

辛棄疾

籃輿嫋嫋破重岡玉笛兩紅妝這裏都愁酒盡那邊正
和詩忙 為誰醉倒為誰歸去都莫思量白水東邊籬
落斜陽欲下牛羊

前調

辛棄疾

夜深殘月過山房睡覺北牕涼起遶中庭獨步一天星
斗文章朝來客話山林鍾鼎那處難忘君向沙頭細
問白鷗知我行藏

前調

為人壽
二首

辛棄疾

年年黃菊豔秋風更有拒霜紅黃似舊時宮額紅如此
日芳容青青未老尊前要看兒輩平戎試釀西江為
壽西江綠水無窮

前調

辛棄疾

年年金蕊豔西風人與菊花同霜鬢經春重綠仙姿不
飲長紅 焚香度日從容笑語儘調兒童一歲一杯為
壽從今更數千鍾

前調

九日送楊世
長赴南宮

辛棄疾

年年團扇怨秋風愁絕玉杯空山下卧龍丰度臺前戲
馬英雄 而今休也花殘一似人老花同莫怪東籬韻
減只今丹桂香濃

前調

范成大

身閒身健是生涯何況好年華看了十分秋月重陽更
插黃花 消磨景物瓦盆社釀石鼎山茶飽喫紅蓮香
飯儂家便是仙家

前調

范成大

繫船沽酒碧帘坊酒滿勝鵝黃醉後西園入夢東風柳
色花香 水浮天處夕陽如錦恰似鱸鄉中有憶人雙
淚幾時流到橫塘

前調

范成大

草堂春過一分餘幽事酒醒初琴調細鳴焦木矢聲不
斷銅壺關心藥裏忘年叢筍自著潛夫雨後長鑱東
麓月明短艇西湖

前調

陳三聘

求田何處是生涯雙鬢已先華隨分夏涼冬暖賞心秋
月春花吾年如此愁來問酒困後呼茶結社竹林詩
老卜鄰江上漁家

前調

陳三聘

去年曾醉杏花坊
柳色間輕黃
重覓舊時行迹
春風滿路
梅香平沙岸
草夫差故國
知是吾鄉
夢斷數聲柔櫓
只應已過橫塘

前調

黃公度

幽香冷豔綴疎枝
橫影卧霜溪
清楚渾如南郭
孤高絕似東籬
歲寒風味黃花
盡處密雪飛時
不比三春桃李
芳菲急在人知

前調

黃公度

屑瑤飛絮滿層空人在廣寒宮已覺樓臺改觀漸看桃
李春融 一城和氣賓筵不夜舞態回風正是為霖手
段南來先做年豐

前調

茶詞
二首

程垓

華筵飲散撤芳尊人影亂紛紛且約玉驄留住細將團
鳳平分 一甌看取招回酒興爽徹詩魂歌罷清風兩
腋歸來明月千門

前調

程垓

龍團分罷覺芳滋歌徹碧雲詞翠袖且留纖玉沈香載
捧冰甕一聲清唱半甌輕啜愁緒如絲記取臨分餘
味圖教歸後相思

前調

程垓

片花飛後水東流無計挽春留香小誰栽杜若夢回依
舊揚州破瓜年在嬌花豔冶舞柳纖柔莫道劉郎霜
鬢才情未放春休

前調

陸游

怕歌愁舞嬾逢迎。妝晚托春酲。總是向人深處，當時枉道無情。關心近日，啼紅密訴，翦綠深盟。杏館花陰恨淺。畫堂銀燭嫌明。

前調

陸游

鼓鼙驚鼓，餞流年、燭燄動金船。綵燕難尋，前夢醉花空點春妍。文園謝病，蘭成久旅，回首淒然。明月梅花笛夜，和風禹廟鶯天。

前調

陸游

幽姿不入少年場無語只淒涼一個飄零身世十分冷
淡心腸江頭月底新詩舊夢孤恨清香任是春風不
管也曾先識東皇

前調

趙彥端

山礬風味更梨花清白競春華試問西園春夜何如山
崦人家楚東千嶂吳江一棹雲路非賒惟有相思南
地可憐淡月朝霞

前調

立夏日觀
茶蘼作

管鑑

一年春事到荼蘼何處更花開
莫趁垂楊飛絮且隨紅藥翻階
倦遊老矣肯因名宦孤負銜杯
寄語故園桃李明年留待歸來

前調

浮雲堂

閭丘次杲

橫江一抹是平沙
沙上幾千家
到得人家盡處
依然水接天涯
危欄送目
翩翩去鷁
點點歸鴉
漁唱不知何處
都應只在蘆花

前調

竹

馬莊父

龍孫脫穎破苔紋英氣欲凌雲深處未須留客春風自
掩柴門蒲團宴坐輕敲茶臼細撲爐熏彈到琴心三
疊鷓鴣啼傍黃昏

前調

九月末
水仙開

王炎

薔薇露染玉香肌欲試縷金衣一種出塵丰度偏宜月
伴風隨初疑邂逅湘妃洛女似是還非只恐乘雲輕
舉翩然飛度瑤池

前調

王炎

杜鵑聲斷日曛曛過雨濕殘紅老色菱花影裏客愁蕉
葉聲中柳梢飛絮桃梢結子斷送春風莫恨春無覓
處明年還醉芳叢

前調

盧炳

晚來天氣十分涼時候近重陽村落人家瀟灑籬邊黃
菊芬芳年來漸覺詩腸愈窄酒量偏狂好景不須放
過何妨一醉千觴

前調

平山

沈端節

天遙野闊鴈書空山遠暮雲中目斷江南煙雨間來敲
枕春風功名富貴何須計較煙際疎鐘解道淺妝濃
抹從來惟有坡翁

前調

贈趙梅壑

吳文英

吳山相對越山青湘水一春平粉字情深題葉紅波香
染浮萍朝雲暮雨玉壺塵世金屋瑤京晚雨西陵潮
汛沙鷗不似身輕

前調

題蘭室道女扇

吳文英

林皋相遇笑盈盈江碧遠山青露重寒香有恨月明秋
珮無聲銀燈炙了金爐燼暖真色羅屏病起十分清
瘦夢闌一寸春情

前調

聞桂香

吳文英

海東明月鎖雲陰花在月中心天外幽香清漏人間仙
影難尋并刀翦葉一枝曉露綠鬢曾簪惟有別時難
忘冷煙疎雨秋深

前調

張炎

清明時節雨聲譁
潮擁渡頭沙翻破
梨花冷看人生苦
戀天涯
燕簾鶯戶雲牕霧閣
酒醒啼鴉折得一枝楊
柳歸來插向誰家

前調

完顏璫

襄陽古道灞陵橋
詩興與秋高
千古風流人物一時多
少英豪
霜清玉塞雲飛隴
首風落江皋
夢到鳳凰臺
上山圍故國周遭

前調

高士談

瑯琊山色最清雄
心賞待衰翁
路轉峯回如畫新
亭半濕青紅
風流賓從清閒
歲月且共從容
莫笑尊前老大猶堪管領春風

前調

偶出見牆頭杏花

段成已

無言脈脈怨春遲
一種可憐枝
最是難忘情處
牆頭微露些兒
十分細看風流
却在一半開時
正要東風擡舉
莫教吹破胭脂

前調

瑞香

元好問

御香生拆紫囊封
冉冉綠雲叢開晚
只嗔寒勒妝成又
怕晴烘 化工也為花中第一熏
染偏濃誰有石家紅
錦重重圍住春風

前調

元好問

春閨寂寂掩蒼苔
風雨捲春回
擬寫碧雲心事
筆頭無句安排
燈昏酒冷愁牽夢
引直似秋懷
料得醅醖知我枕邊時有香來

前調

張雨

草堂移住古城隈
堂後水平階
要結柴桑鄰里
不須鷗鷺驚猜
行廚竹裏園官菜
把野老山杯
說與定巢新燕
杏花開了重來

前調

月中與客
遊虎丘

吳子孝

月華化作水晶宮
萬頃素光融
却羨虎丘樓閣
參差矗起天中
試登絕頂星低
近戶夜永無風
沙浦一聲歸鴈
石壇幾樹疎桐

前調

吳子孝

壺山近在月明中
鞭鶴上層空
鶴背獨攜玉笛
夜深吹向霜風
鸞坡舊侶玉堂新
夢茂苑相逢歸去紫
皇宮
闕飄然同跨飛虹

前調

雨後泊虎丘無月

吳子孝

斷雲殘月夕陽天
菱碧小溪邊
畫鼓驚飛浴路
鷺蘭橈劃破輕煙
停杯試聽歌傳
白雪箏語朱絃
橋畔綠楊葉暗
船頭紅藕花鮮

前調

吳子孝

山空花落不逢僧
臺殿陟層層
鶴澗雲華猶暮
劒池水氣如蒸
桂蟾不見管絃
相逐高興難勝
夜半上方聞
唄千枝寶塔然
燈

前調

又一體

趙長卿

別來無事不思量
霜日最淒涼
凝想倚闌干
處攢眉應為蕭郎
梅花豈管人消瘦
只恁自芬芳
寄語行人知
否梅花得似人香

前調

韓 澮

池塘春草燕飛飛人醉牡丹時多少姚黃魏紫擲成膩
粉臘脂 謫仙醉把平章看晴影度簾遲花外一聲鷓
鴒柳邊幾箇黃鸝

前調

和吳子似

韓 澆

春濃人靜倦游嬉煙雨戰棠梨翠徑亂紅無數頻聽啼
上黃鸝 小園流水濺濺處綠徧謝家池怨月恨花滋
味淚痕猶染羅衣

前調

韓 澆

扁舟攬月轉江湖煙水湛金鋪
蓬底曉涼歌罷肌膚冰
雪初扶詩人自是風塵表
佳處可能摹屬玉一雙飛
去荷花香動菰蒲

前調

韓 澆

誰翻新曲玉溪濱何日得為鄰
醉裏行歌相答步隨泉
石松雲如今又是梅時候
只有眼中人魂斷幽香孤
影花間閒整衣巾

前調

韓 澆

水南何事興偏濃
花草小園中山氣靜
分餘靄泉聲幽
轉流淙
午橋坐上英豪客
今昔為誰容
不是倚樓人
在登臨無地攜筇

前調

韓 澮

霓裳霞珮淡丰容
雲冷露華濃
喚起石丁歸去
冥冥仙仗崆峒
人間秋老花饒笑
清映小簾櫳
記取五城深處
玉簫吹下天風

前調

九日
席上

韓 澮

年年羞插菊花遊華髮不禁秋此日遨頭尋勝消除萬
斛清愁濕雲涼雨南臺上歌動玉溪流俯仰人間今
古多情破帽颼颼

前調

壽王
濟之

吳洪

五湖煙水百花洲風月漾扁舟共羨山中宰相清時嘯
傲林丘名園綠水春無價怡老足觥籌眉壽年年今
日水壺玉鑑橫秋

前調

題五同
會圖

吳洪

蒼顏綠鬢並吳儂五老一尊同要識歲寒心事疎梅瘦
竹長松 鵷行鷺序肩隨好談笑漫從容但願人生長
久年年得似圖中

秋蕊香

雙調四十八字與秋蕊香引
以六十字為調者不相涉

秋蕊香

晏殊

梅蕊雪殘香瘦羅幙輕寒微透多情只似春楊柳占斷
可憐時候 蕭娘勸我杯中酒翻紅袖金烏玉兔長飛

走爭得朱顏依舊

前調

晏殊

向曉雪花呈瑞飛徧玉城瑤砌何人翦碎天邊桂散作
瑤田瓊蕊蕭孌斂盡雙蛾翠迴香袂今朝有酒今朝
醉遮莫更長無睡

前調

晏幾道

池苑清陰欲就還傍送春時候眼前人去歡難偶誰共
一杯芳酒朱闌碧砌皆如舊記攜手有情不管別離

久情在相逢終有

前調

晏幾道

歌徹郎君秋草別恨遠山眉小無情莫把多情惱第一
歸來須早紅塵自古長安道故人少相思不比相逢
好此別朱顏應老

前調

張耒

簾幙踈風透一綫香飄金獸朱闌倚徧黃昏後廊上
月華如晝別離滋味濃如酒著人瘦此情不及牆東

柳春色年年依舊

前調

周邦彥

乳鴨池塘水暖風緊柳花迎面午妝粉指印腮眼曲裏
長眉翠淺聞知社日停針線探新燕寶釵落枕夢魂
遠簾影參差滿院

前調

和清真韻

方千里

一枕盤鶯錦暖初起嬾勻妝面綠雲娘娜映嬌眼酒入
桃腮暈淺翠簾半捲香縈線礙飛燕畫屏淺立意閒

遠春鎖綠沈小院

前調

和清
真韻

楊澤民

向曉銀屏香暖宿蕊猶殘嬌面紅塵一縷透窗眼恨入
春山黛淺短書封了憑金線繫雙燕良人貪逐利名
遠不憶幽花靜院

前調

趙希彭

髻穩冠宜翡翠壓鬢絲絲金蕊遠山碧淺蘸秋水香暖
榴裙襯地亭亭二八餘年紀惱春意玉雲凝重步塵

細獨立花陰寶砌

前調

落桂

吳文英

寶月驚塵墮曉愁鎖空枝殘照古苔幾點露螢小銷減
秋光旋少佩丸尚憶春酥裏故人老斷香忍和淚痕
歸魂返東籬夢香

前調

七夕

吳文英

嬾浴新涼睡早雪壓酒紅侵笑倚樓起把繡針小月冷
秋波夢覺怕聞井葉西風到恨多少粉河不語墮秋

曉行雨人間未了

前調

和清
真韻

陳允平

晚酌宜城酒暖玉軟嫩紅嬌面醉中窈窕度嬌眼不識
愁深愁淺繡牕一縷香絨線繫雙燕海棠滿地夕陽
遠明月笙歌別院

前調

黃鑄

花外數聲風定煙際一痕月淨水晶屏小敲翠枕院靜
鳴蟬相應香銷斜掩青銅鏡背燈影空砧夜半和鴻

陣秋在劉郎綠鬢

前調

和清
真韻

王從叔

薄薄羅衣乍暖紅入酒痕潮面絮花舞倦帶嬌眼昨夜
平堤水淺故人信斷風箏線誤歸燕夢魂不怕山路
遠無奈棋聲隔院

御選歷代詩餘卷十七



總校官庶吉士臣張能照

校對官庶吉士臣陳崇本

謄錄監生臣王詔